



ЎЗБЕКИСТОН RESPUBLIKASI
DAVLAT SOLIQ QO‘MITASI RAISING
B U Y R U G ‘ I

20 21 yil «19» 03

144 -son

**Давлат солиқ қўмитаси ҳузуридаги
Жамоатчилик кенгаши фаолиятини
янада такомиллаштириш чора-
тадбирлари тўғрисида**

Ўзбекистон Республикаси Президентининг “2021 – 2025 йилларда фуқаролик жамиятини ривожлантириш концепциясини тасдиқлаш тўғрисида” 2021 йил 4 мартдаги ПФ-6181-сон Фармони ва “Давлат органлари ҳузурида жамоатчилик кенгашлари фаолиятини ташкил этиш чора-тадбирлари тўғрисида” 2018 йил 4 июлдаги ПҚ-3837-сон қарорига асосан, шунингдек давлат солиқ хизмати органлари фаолияти устидан жамоатчилик назоратини амалга оширишнинг мустақкам механизмларини ривожлантириш, улар фаолиятининг очиклиги ва шаффофлигини, фуқаролик жамияти институтлари билан самарали ҳамкорлигини таъминлаш, шунингдек Давлат солиқ қўмитаси ҳузурида тузилган Жамоатчилик кенгаши фаолиятини янада такомиллаштириш мақсадида:

1. Давлат солиқ қўмитаси ҳузурида давлат органларида намунали хизмат кўрсатган меҳнат фахрийлари, жамоатчилик фаолияти соҳаларида катта амалий тажрибага эга обрў-эътиборли фуқаролар, шунингдек, нодавлат нотижорат ташкилотлари, оммавий ахборот воситалари ва фуқаролик жамиятининг бошқа институтлари вакилларидан иборат, жамоатчилик асосида иш олиб борадиган Жамоатчилик кенгаши ташкил этилсин.

Қуйидагилар Жамоатчилик кенгашининг асосий вазифалари этиб белгилансин:

қабул қилинаётган норматив-ҳуқуқий ҳужжатларда, қарорларда, жамоатчилик манфаатлари ва жамоатчилик фикри ҳисобга олиниши, фуқароларнинг, юридик шахсларнинг ҳуқуқлари ва қонуний манфаатларини

ҳимоя қилиш соҳасида қонун ҳужжатлари талаблари ижросини таъминлаш, давлат солиқ хизмати органлари зиммасига юкланган ҳамда ижтимоий ва жамоатчилик манфаатларига дахл қилувчи вазифалар ва функцияларни бажариш, давлат хизматларини кўрсатиш бўйича Давлат солиқ кўмитаси ва унинг мансабдор шахсларининг фаолияти устидан жамоатчилик назоратини амалга ошириш;

Давлат солиқ кўмитасининг нодавлат нотижорат ташкилотлари, оммавий ахборот воситалари ва фуқаролик жамиятининг бошқа институтлари билан самарали ҳамкорлигини таъминлаш учун давлат солиқ хизмати органларини фуқаролар билан боғлаб турадиган “кўприк” ролини бажариш;

Давлат солиқ хизмати органлари фаолиятида коррупцияга қарши курашиш соҳасидаги дастурларни ишлаб чиқиш ҳамда амалга оширишда иштирок этиш;

Давлат солиқ кўмитаси фаолияти бўйича фуқаролар ўртасида ўтказиладиган тушунтириш ишлари ва маънавий-маърифий тадбирларда иштирок этиш, уларнинг самарадорлигини ошириш юзасидан таклифлар ишлаб чиқиш ва бошқалар.

2. Давлат солиқ кўмитаси ҳузуридаги Жамоатчилик кенгаши тўғрисидаги Низом 1-иловага мувофиқ, Жамоатчилик кенгаши таркиби 2 - иловага мувофиқ тасдиқлансин.

3. Жамоатчилик билан алоқалар ва ҳуқуқий ахборот бошқармаси Жамоатчилик кенгашининг ишчи органи этиб белгилансин ҳамда Жамоатчилик кенгаши ишини ташкилий жиҳатдан таъминлаш юклатилсин.

4. Раиснинг биринчи ўринбосари М.Мирзаев, Жамоатчилик кенгаши котиби (Е.Исмаева):

марказий аппарат таркибий тузилмалари билан биргаликда солиқ тўловчи жисмоний ва юридик шахсларнинг ҳуқуқлари, қонуний манфаатларига таъсир қилувчи вазифалар ва функцияларни бажариш билан боғлиқ мунозарали масалаларни Жамоатчилик кенгаши муҳокамасига киритсин;

Жамоатчилик кенгаши фаолияти ҳақида ҳар чорак якуни билан Давлат солиқ кўмитаси раҳбариятига ахборот ва таклифлар киритиб борсин;

5. Раиснинг биринчи ўринбосари М.Мирзаев, Ишлар бошқармаси (Б.Саидов) – Жамоатчилик кенгашининг самарали фаолият юритиши учун зарур шароитлар яратилишини таъминласин.

6. Жамоатчилик билан алоқалар ва ҳуқуқий ахборот бошқармаси (Е.Исмаева) – мазкур буйруқни “Ички идоравий ҳужжатлар” электрон ахборот тизими маълумотлар базасига **бир кун муддатда** жойлаштирсин.

7. Давлат солиқ қўмитасининг 2016 йил 2 декабрдаги 523-сон ҳамда 2018 йил 25 январдаги 38-сон буйруқлари ўз кучини йўқотган деб ҳисоблансин.

8. Ташкилий ишлар ва назорат бошқармаси (Э.Жўраев) – мазкур буйруқни **бир кун муддатда** қўмита марказий аппаратининг таркибий тузилмалари ҳамда ҳудудий давлат солиқ бошқармаларига етказилишини таъминласин.

9. Ушбу буйруқ ижросини назорат қилиш Раиснинг биринчи ўринбосари М.Мирзаев зиммасига юклансин.

Раис



Ш.Кудбиев

**Давлат солиқ қўмитаси ҳузуридаги
Жамоатчилик кенгаши тўғрисидаги
НИЗОМ**

1-боб. Умумий қоидалар

1. Мазкур низом (кейинги ўринларда Низом деб юритилади) Давлат солиқ қўмитаси ҳузуридаги Жамоатчилик кенгашининг (кейинги ўринларда – Жамоатчилик кенгаши) асосий вазифалари, функциялари, ваколатларини ва фаолиятини ташкил этиш тартибини белгилайди.

2. Жамоатчилик кенгаши ўз ишини жамоатчилик асосида олиб борадиган, доимий фаолият юритувчи маслаҳат-кенгаш органи ҳисобланади.

3. Жамоатчилик кенгаши Давлат солиқ қўмитаси ҳузурида ташкил этилади ва унинг фаолияти давлат солиқ хизмати органларининг барча ҳудудий бўлинмалари ҳамда тасарруфидаги ташкилотларига татбиқ этилади.

4. Жамоатчилик кенгаши Давлат солиқ қўмитаси раисининг буйруғи билан ташкил этилади.

5. Жамоатчилик кенгашининг қарорлари тавсиявий хусусиятга эга.

6. Жамоатчилик кенгаши ўз фаолиятида Ўзбекистон Республикасининг Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, мазкур Низомга ҳамда бошқа қонун ҳужжатларига амал қилади.

7. Жамоатчилик кенгаши тўғрисидаги низом ва унга киритиладиган ўзгартишлар ҳамда қўшимчалар Давлат солиқ қўмитаси раисининг буйруғи билан тасдиқланади.

**2-боб. Жамоатчилик кенгашининг асосий вазифалари,
функциялари, ҳуқуқлари ва мажбуриятлари**

8. Қуйидагилар Жамоатчилик кенгашининг асосий вазифалари ҳисобланади:

қабул қилинаётган норматив-ҳуқуқий ҳужжатларда, қарорларда, шунингдек, давлат, тармоқ ва ҳудудий ривожлантириш дастурларида жамоатчилик манфаатлари ва жамоатчилик фикри ҳисобга олинishi, фуқароларнинг, юридик шахсларнинг ҳуқуқлари ва қонуний манфаатларини, жамият манфаатларини ҳимоя қилиш соҳасида қонун ҳужжатлари талаблари ижросини таъминлаш, давлат солиқ хизмати органлари зиммасига юкланган ҳамда ижтимоий ва жамоатчилик манфаатларига дахл қилувчи вазифалар ва функцияларни бажариш, давлат хизматларини кўрсатиш, ижтимоий шериклик доирасида амалга ошириладиган битимлар, шартномалар, лойиҳалар ва дастурларни рўёбга чиқариш бўйича Давлат солиқ кўмитаси ва унинг мансабдор шахсларининг фаолияти устидан жамоатчилик назоратини амалга ошириш;

биргаликда мулоқот қилиш, Давлат солиқ кўмитасининг нодавлат нотижорат ташкилотлари, оммавий ахборот воситалари ва фуқаролик жамиятининг бошқа институтлари билан самарали ҳамкорлигини таъминлаш учун давлат солиқ хизмати органларини фуқаролар билан боғлаб турадиган «кўприк» ролини бажариш;

Давлат солиқ кўмитасига нодавлат нотижорат ташкилотлари ва фуқаролик жамиятининг бошқа институтларидан келиб тушган социал ва ижтимоий аҳамиятга молик лойиҳаларни умумлаштириш ва баҳолаш;

фуқароларнинг ҳуқуқлари, эркинликлари ва қонуний манфаатларига дахл қилувчи энг муҳим масалалар юзасидан давлат солиқ хизмати органларининг фаолияти ҳақидаги жамоатчилик фикрини тизимли мониторинг қилиш ва ҳар томонлама таҳлил қилиш, социологик сўровлар ўтказиш, жумладан уларни ахборот-коммуникация технологияларидан фойдаланган ҳолда ўтказиш;

Давлат солиқ кўмитаси фаолиятида коррупцияга қарши курашиш соҳасидаги давлат дастурлари ва бошқа дастурларни ишлаб чиқиш ҳамда амалга оширишда иштирок этиш, коррупцияга қарши курашиш бўйича олиб борилган ишлар устидан мониторинг ва таҳлил ўтказиш, шунингдек, уларнинг натижалари бўйича таклифлар тайёрлаш;

Давлат солиқ кўмитаси фаолиятининг очиқлигини таъминлаш бўйича амалга оширилаётган тадбирларни мониторинг қилиш, унинг фаолияти тўғрисида батафсил ахборот олиш имкониятларини таҳлил қилиш, уларни янада кенгайтириш бўйича таклифлар ишлаб чиқиш;

Давлат солиқ кўмитаси фаолиятини ислоҳ қилишда фуқаролар иштирок этиши учун яратилган шарт-шароитларни ўрганиш ва уларни яхшилаш бўйича таклифлар ишлаб чиқиш;

Давлат солиқ кўмитаси фаолияти бўйича фуқаролар ўртасида ўтказиладиган тушунтириш ишлари ва маънавий-маърифий тадбирларда иштирок этиш, уларнинг самарадорлигини ошириш юзасидан таклифлар ишлаб чиқиш;

Давлат солиқ кўмитаси ходимлари ва улар оилаларининг уй-жой, ижтимоий-маиший, хизмат шарт-шароитларини, уларга малакали тиббий ёрдам кўрсатиш шароитларини, шунингдек, ишдан бўшатиш ёки захирага олинган ходимларни ижтимоий ва касбий мослаштириш бўйича муаммоларни комплекс таҳлил қилиш ҳамда таҳлил яқунлари бўйича мазкур шароитларни яхшилаш юзасидан таклифлар киритиш.

9. Жамоатчилик кенгаши ўз зиммасига юклатилган вазифаларга мувофиқ куйидаги функцияларни бажаради:

давлат солиқ хизмати органлари фаолиятига доир масалалар юзасидан фуқаролар, нодавлат нотижорат ташкилотлари ва фуқаролик жамияти бошқа институтларининг ташаббуслари ҳамда мурожаатларини кўриб чиқишда иштирок этади, шунингдек, уларни кўриб чиқиш натижалари бўйича Давлат солиқ кўмитасига тегишли таклифлар киритади;

Давлат солиқ кўмитасининг фуқаролар, нодавлат нотижорат ташкилотлари ва фуқаролик жамиятининг бошқа институтлари билан ўзаро ҳамкорлигини таҳлил қилади, шунингдек, ҳамкорликни такомиллаштириш юзасидан таклифлар ишлаб чиқади;

Давлат солиқ кўмитаси фаолиятига тааллуқли унинг норматив-ҳуқуқий ҳужжатлари ва қарорларини такомиллаштириш, улардаги мавжуд камчиликларни бартараф этиш бўйича таклифлар ишлаб чиқади, шунингдек, киритилган таклифларни Давлат солиқ кўмитаси ходимлари ўртасида муҳокама қилишга бағишланган тадбирларни ташкил этишда қатнашади;

давлат дастурлари лойиҳаларини, тадбирлар режаларини ва давлат солиқ хизмати органлари фаолиятига тааллуқли, шу жумладан коррупцияга қарши курашиш тўғрисидаги бошқа ҳужжатларни ишлаб чиқиш юзасидан таклифлар тайёрлайди, қабул қилинган дастурларни амалга оширишда ваколатлари доирасида иштирок этади, бажарилган ишларнинг самарадорлигини таҳлил қилади, шунингдек, йўл қўйилган хато ва камчиликларни бартараф этиш юзасидан таклифлар тайёрлайди;

Давлат солиқ кўмитасига нодавлат нотижорат ташкилотлари ва фуқаролик жамиятининг бошқа институтларидан келиб тушган социал ва ижтимоий аҳамиятга молик лойиҳаларни кўриб чиқади;

Давлат солиқ кўмитаси раҳбарлари ва ходимларининг фуқаролар билан учрашувларини, шунингдек, жисмоний ва юридик шахслар мурожаатларини кўриб чиқиш билан боғлиқ ишларни ташкил этишда, шу жумладан жойларга бориб ташкил этишда қатнашади, уларнинг амалга оширилиши устидан мониторинг ўтказади;

давлат солиқ хизмати органлари ходимлари ва улар оилаларининг уй-жой, ижтимоий-маиший, хизмат шарт-шароитларини, уларга малакали тиббий ёрдам кўрсатиш шароитларини яхшилашда, шунингдек, ишдан бўшатишган ёки захирага олинган ходимларни ижтимоий ва касбий мослаштириш муаммоларини ҳал этишда кўмаклашади;

ходимлар ва уларнинг оила аъзоларини ижтимоий ва ҳуқуқий ҳимоя қилиш масалалари бўйича давлат солиқ хизмати органлари ходимлари ўртасида кенг тушунтириш ишларини ташкил этади;

Давлат солиқ кўмитасида, унинг ҳудудий бўлинмаларида ва тасарруфидаги ташкилотларида соғлом ишчанлик муҳитини ривожлантириш, қонунийликни, юксак ҳуқуқий маданият ва ахлоқийликни таъминлаш, ходимларда Ватанга содиқлик руҳини ва қонунларга бўлган ҳурматни кучайтириш, уларни ижтимоий, сиёсий, руҳий ва маънавий-маърифий камол топтириш, шунингдек, мазкур соҳадаги илмий-маърифий ва ўқув адабиётларини такомиллаштириш бўйича таклифлар ишлаб чиқади;

мамлакатда ва хорижда кенг жамоатчиликни давлат солиқ хизмати органлари фаолиятини ислоҳ қилиш бўйича амалга оширилаётган тизимли чора-тадбирлар ҳақида мунтазам равишда хабардор қилишни таъминлайди ҳамда мавжуд муаммоларни ҳал қилиш ва камчиликларни бартараф этиш юзасидан таклифлар ишлаб чиқади;

Давлат солиқ кўмитаси фаолиятига бағишланган илмий-назарий ва илмий-амалий конференциялар, семинарлар, давра суҳбатларини ташкил этишда иштирок этади;

давлат солиқ хизмати органлари фаолиятини оммавий ахборот воситаларида ёритиш бўйича бажарилаётган ишларнинг натижаларини таҳлил қилади, уларнинг самарадорлигини ошириш ва мавжуд камчиликларни бартараф этиш юзасидан таклифлар ишлаб чиқади;

Ўзига юклатилган вазифаларни бажаришда нодавлат нотижорат ташкилотлари, оммавий ахборот воситалари, фуқаролик жамиятининг бошқа институтлари ҳамда фуқаролар билан ҳамкорлик қилади.

10. Жамоатчилик кенгаши зиммасига юклатилган вазифалар ва функцияларни бажариш учун:

Давлат солиқ қўмитаси томонидан ташкил этиладиган бўлажак очик Ҳайъат мажлислари ва бошқа оммавий тадбирлар тўғрисидаги ахборотни олдиндан олиш ҳамда мазкур тадбирларда иштирок этиш;

Давлат солиқ қўмитасининг, жумладан унинг ҳудудий бўлинмалари ва тасарруфидаги ташкилотларининг бинолари (хоналари) ва бошқа объектларини белгиланган тартибда бориб кўриш;

Давлат солиқ қўмитаси, унинг ҳудудий бўлинмалари ва тасарруфидаги ташкилотлари раҳбарларига Жамоатчилик кенгаши ваколатига кирадиган масалалар юзасидан таклифлар киритиш;

Давлат солиқ қўмитаси фаолияти самарадорлигини ошириш бўйича таклифлар ва тавсияларни ишлаб чиқиш ҳамда амалга ошириш учун зарур бўлган давлат органининг ахборотлари, статистика ва бошқа материалларини белгиланган тартибда олиш;

Давлат солиқ қўмитасининг қонун ижодкорлиги фаолиятида, Давлат солиқ қўмитаси томонидан ишлаб чиқилган норматив-ҳуқуқий ҳужжатлар лойиҳаларининг жамоатчилик ва экспертлар муҳокамасини таъминлашда иштирок этиш;

жисмоний ва юридик шахслар мурожаатларига Давлат солиқ қўмитаси томонидан берилган жавобларнинг сифатини танлаб олган ҳолда таҳлил қилиш;

давлат солиқ хизмати органлари ходимларининг розилиги билан уларнинг уй-жой, ижтимоий-маиший ва хизмат шарт-шароитлари билан танишиш;

Жамоатчилик кенгаши мажлисларида муҳокама қилинадиган масалаларни ёритиш бўйича оммавий ахборот воситалари билан ҳамкорлик қилиш;

юклатилган вазифаларни бажариш учун конференциялар, форумлар, семинарлар, давра суҳбатлари ва бошқа тадбирларни ташкил этиш ҳуқуқига эга.

Жамоатчилик кенгаши қонун ҳужжатларига мувофиқ бошқа ҳуқуқларга ҳам эга бўлиши мумкин.

11. Жамоатчилик кенгаши ўз фаолиятини амалга оширишда:

жамоатчилик назорати тўғрисидаги қонун ҳужжатлари талабларига риоя қилиши;

Давлат солиқ қўмитаси фаолияти билан боғлиқ қонун ҳужжатларида белгиланган чекловларга амал қилиши;

Давлат солиқ қўмитаси ва унинг мансабдор шахсларининг ўз ваколатлари доирасида амалга оширадиган фаолиятига аралашмаслиги;

Давлат солиқ қўмитаси ва унинг мансабдор шахслари фаолият кўрсатиши учун тўсқинлик қилмаслиги;

фуқароларнинг ор-номуси ва кадр-қимматини таҳқирлашга, уларнинг шахсий ҳаётига аралашинишга йўл қўймаслиги;

жамоатчилик назоратини амалга ошириш давомида олинган ахборотнинг, агар бундай ахборотни тарқатиш қонун билан чекланган бўлса, махфийлигига риоя қилиши шарт.

Жамоатчилик кенгашининг зиммасида қонун ҳужжатларига мувофиқ бошқа мажбуриятлар ҳам бўлиши мумкин.

3-боб. Жамоатчилик кенгашининг таркибини шакллантириш ва ишини ташкил этиш тартиби

12. Жамоатчилик кенгашининг таркибига унинг раиси, раис ўринбосари, котиби ва аъзолари киради.

13. Жамоатчилик кенгаши аъзолигига, қоида тариқасида, давлат солиқ хизмати органларида намунали хизмат кўрсатган меҳнат фахрийлари, жамоатчилик фаолияти соҳаларида катта амалий тажрибага эга обрў-эътиборли фуқаролар, шунингдек, нодавлат нотижорат ташкилотлари, оммавий ахборот воситалари ва фуқаролик жамиятининг бошқа институтлари вакиллари қабул қилинади.

Давлат солиқ қўмитаси ҳузуридаги Жамоатчилик кенгаши таркибининг камида 50 фоизини нодавлат нотижорат ташкилотлари вакиллари ташкил этади.

14. Жамоатчилик кенгашининг таркиби Жамоатчилик палатаси билан келишилади ҳамда ҳар 2 йилда тасдиқланади;

Жамоатчилик кенгашининг умумий аъзолари сони 15 нафардан кам бўлмаслиги зарур;

Давлат солиқ қўмитасининг Жамоатчилик билан алоқалар ва ҳуқуқий ахборот бошқармаси жамоатчилик кенгашларининг ишчи органи ҳисобланади, улар фаолиятини ташкилий-услубий ва ахборот жихатдан таъминлайди.

15. Қуйидаги ҳолатларда Жамоатчилик кенгашининг раиси, раис ўринбосари, котиби ва аъзолари унинг таркибидан чиқарилиши мумкин:

улар томонидан Жамоатчилик кенгаши таркибидан чиқиш тўғрисида ариза берилганда;

Жамоатчилик кенгашининг мажлисларида мунтазам равишда иштирок этмаганда, мазкур Низомнинг 11-бандида назарда тутилган мажбуриятларни бажармаганда;

уларга нисбатан чиқарилган суднинг айблов ҳукми қонуний кучга кирганда;

вафот этганда, шунингдек, суднинг қонуний кучга кирган ҳал қилув қарори асосида улар муомалага лаёқатсиз, бедарак йўқолган ёки вафот этган деб топилганда.

16. Жамоатчилик кенгашининг таркиби тўғрисидаги маълумотлар ва унга киритилган ўзгартишлар улар тасдиқланган пайтдан бошлаб 5 кун ичида Давлат солиқ қўмитасининг расмий веб-сайтида эълон қилинади.

17. Жамоатчилик кенгашининг раиси:

Жамоатчилик кенгашининг фаолиятига умумий раҳбарлик қилади;

Жамоатчилик кенгашининг мажлисларини чақиради ва кун тартибини белгилайди;

Жамоатчилик кенгашининг мажлисларида раислик қилади;

Жамоатчилик кенгашининг иш режаси, мажлиси баённомаси ва бошқа ҳужжатларини тасдиқлайди;

Жамоатчилик кенгаши қарорларининг ижросини назорат қилади;

Жамоатчилик кенгаши аъзоларининг зиммасига юклатилган вазифаларни бажарилишини мувофиқлаштиради;

Давлат солиқ қўмитасининг расмий веб-сайтида ва бошқа ресурсларда жойлаштириладиган Жамоатчилик кенгашининг фаолияти тўғрисидаги маълумотлар таркиби бўйича таклифлар киритади ва уни Давлат солиқ қўмитаси раиси билан келишади;

Жамоатчилик кенгаши қарорларини бажариш масалалари юзасидан Давлат солиқ қўмитаси раҳбари билан ҳамкорлик қилади;

Жамоатчилик кенгашининг самарали ишини таъминлаш бўйича бошқа ваколатларни амалга оширади.

18. Жамоатчилик кенгашининг раиси бўлмаган тақдирда, унинг ваколатлари ва мажбуриятларини раис ўринбосари бажаради.

19. Жамоатчилик кенгаши раисининг ўринбосари:

раис йўқлигида Жамоатчилик кенгашининг мажлисларида раислик қилади;

Жамоатчилик кенгаши қарорларининг ижросини назорат қилиш бўйича ишларни ташкил этади;

фуқароларни ва юридик шахсларнинг вакилларини қабул қилади, шунингдек, Жамоатчилик кенгаши фаолиятига тааллуқли мурожаатларни кўриб чиқиш бўйича ишларни ташкил этади;

Жамоатчилик кенгашининг самарали ишларини таъминлаш бўйича бошқа ваколатларни амалга оширади.

20. Жамоатчилик кенгашининг котиби:

Жамоатчилик кенгашининг фаолиятини услубий, ташкилий-ҳуқуқий ва ташкилий-техник жиҳатдан таъминлаш масалаларини ҳал қилади;

Жамоатчилик кенгашининг навбатдаги мажлисига барча зарур материаллар ўз вақтида тайёрланишини таъминлайди, Давлат солиқ қўмитаси ходимларидан зарур ҳужжатлар ва маълумотларни сўраб олади;

кун тартибига мувофиқ Жамоатчилик кенгаши мажлислари ўтказилишини ташкил этади;

Жамоатчилик кенгаши ўтказиладиган сана, жой ва таклиф этиладиган шахслар рўйхатини Жамоатчилик кенгашининг раиси билан келишади;

Жамоатчилик кенгашининг аъзоларини ва таклиф этилган шахсларни Жамоатчилик кенгаши мажлиси ўтказиладиган жой, сана ва вақт ҳақида хабардор қилади;

Жамоатчилик кенгаши қарорларининг ижро этилиши устидан мониторинг олиб боради ва унинг натижаларини Жамоатчилик кенгаши мажлисида кўриб чиқиш бўйича таклифлар киритади;

Жамоатчилик кенгаши мажлисининг баённомасини расмийлаштиради ва тасдиқланган баённоманинг Жамоатчилик кенгаши аъзолари ҳамда бошқа манфаатдор шахсларга жўнатилишини таъминлайди;

Жамоатчилик кенгашининг самарали ишлашини таъминлаш бўйича бошқа ваколатларни амалга оширади.

21. Жамоатчилик кенгашининг аъзолари ўз мажлисларида кўриб чиқиладиган масалаларни муҳокама қилиш ва ҳал қилишда ўз ваколатини бошқаларга ўтказиш ҳуқуқига эга эмас.

Жамоатчилик кенгашининг мажлисида иштирок этиш имкони бўлмаган ҳолатларда, унинг аъзоси мажлис кун тартибидаги масалалар бўйича ўз фикрини ёзма шаклда юбориши мумкин. Бунда унинг фикри мажлисда кўриб чиқилади ва овоз беришда ҳисобга олинади.

Жамоатчилик кенгашининг аъзолари:

ўз зиммаларига юклатилган вазифаларни бажариш учун Давлат солиқ қўмитаси томонидан ташкил этиладиган Ҳайъат мажлисларида ва бошқа оммавий тадбирларда иштирок этади;

Жамоатчилик кенгаши иш режаларининг лойиҳаларини тайёрлайди, уларни Жамоатчилик кенгашида кўриб чиқиш учун киритади ва тасдиқланган иш режалари бажарилишини таъминлайди;

давлат солиқ хизмати органлари фаолиятининг самарадорлигини ошириш бўйича таклифлар ва тавсияларни ишлаб чиқишда ҳамда амалга оширишда қатнашади;

давлат солиқ хизмати органлари ходимлари, уларнинг оила аъзолари билан учрашувлар ўтказади ва уларнинг ҳуқуқлари, эркинликлари ҳамда қонуний манфаатларини таъминлаш бўйича таклифларни Жамоатчилик кенгашига киритади;

Жамоатчилик кенгашининг кун тартибига киритилган масалалар юзасидан таҳлилий материаллар тайёрлайди;

Жамоатчилик кенгашининг ваколатига кирадиган масалалар билан боғлиқ мурожаатларни кўриб чиқади ва натижалари бўйича тегишли ҳужжатларни тайёрлайди;

Жамоатчилик кенгашининг зиммасига юкланган вазифалар ва функцияларга мувофиқ бошқа ваколатларни амалга оширади.

22. Жамоатчилик кенгаши фаолиятининг асосий масалалари унинг мажлисида кўриб чиқилади. Жамоатчилик кенгашининг мажлиси унинг иш режалари асосида ҳар чоракда камида бир марта чақирилади.

Жамоатчилик кенгашининг раиси Жамоатчилик кенгаши аъзоларининг учдан бир қисмининг ёзма мурожаати асосида унинг навбатдан ташқари мажлисини чақириши мумкин.

23. Жамоатчилик кенгашининг мажлисларига бошқа давлат органлари, нодавлат нотажорат ташкилотлари ва фуқаролик жамияти институтларининг вакиллари таклиф этилиши мумкин.

24. Жамоатчилик кенгаши мажлиси кун тартибининг лойиҳаси котиб томонидан Жамоатчилик кенгаши аъзоларининг таклифлари ва Жамоатчилик кенгаши раисининг топшириғи асосида шакллантирилади.

25. Жамоатчилик кенгашининг мажлисини унинг раиси олиб боради. Раис иштирок эта олмаган ҳолатларда, мажлисни унинг ўринбосари олиб боради.

Жамоатчилик кенгашининг мажлисида давлат органи раҳбари, унинг ўринбосарлари ва бошқа ходимлар иштирок этиши мумкин.

26. Жамоатчилик кенгашининг мажлиси, агар унда Жамоатчилик кенгаши аъзоларининг камида учдан икки қисми (кворум) иштирок этган тақдирда ваколатли ҳисобланади.

Мажлисни ўтказиш учун кворум шаклланмаган тақдирда, Жамоатчилик кенгашининг янги мажлиси ўтказиладиган сана эълон қилинади.

27. Жамоатчилик кенгашининг қарори мажлисда иштирок этаётган Жамоатчилик кенгаши аъзоларининг кўпчилик овози билан қабул қилинади.

28. Жамоатчилик кенгашининг ҳар бир аъзоси қабул қилинаётган қарорлар бўйича ўзининг фикрини ёзма шаклда ифодалашга ҳақли. Унинг фикри Жамоатчилик кенгаши мажлисининг баённомасига мажбурий тартибда кўшиб кўйилади.

29. Жамоатчилик кенгашининг мажлисида қабул қилинган қарор баённома билан расмийлаштирилади. Жамоатчилик кенгаши мажлисининг баённомаси котиб томонидан имзоланади, мажлисга раислик қилувчи томонидан тасдиқланади ва уч кун муддатда давлат органига, Жамоатчилик кенгаши аъзоларига ва манфаатдор шахсларга юборилади.

30. Жамоатчилик кенгашининг қарорини тезлик билан қабул қилиш зарурияти туғилганда, унинг раиси ташаббуси билан қарор Жамоатчилик кенгашининг аъзолари билан келишилган ҳолда сўров йўли билан қабул қилиниши мумкин.

Давлат солиқ кўмитаси Жамоатчилик кенгашининг қабул қилган қарорига кўшилмаган ҳолларда, Жамоатчилик кенгашининг қарорини олган кундан бошлаб ўн кундан кечикмай унга асослантилган эътирозини ёзма шаклда юборади.

31. Жамоатчилик кенгашининг котиби кенгаш аъзолари кўмагида Жамоатчилик кенгаши қарорлари ижросининг боришини ўрганади ва кўриб чиқади, зарур бўлган ҳолларда, Жамоатчилик кенгашининг раисига тегишли таклифлар киритади.

4-боб. Яқунловчи қоидалар

32. Жамоатчилик кенгашининг фаолиятини моддий-техник жиҳатдан таъминлаш давлат органи томонидан, шунингдек, қонун ҳужжатларида тақиқланмаган бошқа манбалар ҳисобидан амалга оширилади.

33. Жамоатчилик кенгашининг фаолияти унинг низомига ва Ўзбекистон Республикасининг қонун ҳужжатларига мувофиқ эканлиги Давлат солиқ қўмитаси раиси томонидан назорат қилинади.

34. Жамоатчилик кенгашининг ва Давлат солиқ қўмитаси раисининг Жамоатчилик кенгаши фаолияти билан боғлиқ қарорлари устидан белгиланган тартибда шикоят қилиниши мумкин.



O‘ZBEKISTON RESPUBLIKASI
DAVLAT SOLIQ QO‘MITASI RAISING
B U Y R U G ‘ I

2022 yil «01» 04

93 -son

Davlat soliq qo‘mitasi Raisining “Davlat soliq qo‘mitasi huzuridagi Jamoatchilik kengashi faoliyatini yanada takomillashtirish chora-tadbirlari to‘g‘risida” 2021-yil 19-martda qabul qilingan 144-son buyrug‘iga o‘zgartirish va qo‘shimchalar kiritish haqida

Davlat soliq qo‘mitasi huzurida tuzilgan Jamoatchilik kengashi faoliyatini yanada takomillashtirish maqsadida, **buyuraman:**

1. Davlat soliq qo‘mitasi Raisining “Davlat soliq qo‘mitasi huzuridagi Jamoatchilik kengashi faoliyatini yanada takomillashtirish chora-tadbirlari to‘g‘risida” 2021-yil 19-martdagi 144-son buyrug‘iga ilovaga muvofiq o‘zgartirish va qo‘shimchalar kiritilsin.

2. Ushbu buyruq ijrosini nazorat qilish Raisning birinchi o‘rinbosari M.Mirzayev zimmasiga yuklansin.

Rais



Sh.Kudbiyev

Davlat soliq qo‘mitasi Raisining
2022-yil 01-04 dagi 93-son buyrug‘iga
ilova

Davlat soliq qo‘mitasi Raisining “Davlat soliq qo‘mitasi huzuridagi Jamoatchilik kengashi faoliyatini yanada takomillashtirish chora-tadbirlari to‘g‘risida” 2021-yil 19-martda qabul qilingan 144-son buyrug‘iga kiritilayotgan o‘zgartirish va qo‘shimchalar

Buyruqning 2-ilovasi quyidagi tahrirda bayon etilsin:

Davlat soliq qo‘mitasi Raisining
2021-yil 19-martdagi 144-son buyrug‘iga
2-ilova

**Davlat soliq qo‘mitasi huzuridagi
Jamoatchilik kengashi a‘zolari
TARKIBI**

T.r.	F.I.Sh.	Ish joyi va lavozimi
1.	Perper Mixail Markovich	“Soliq va bojxona xabarlari” gazetasi bosh muharriri
2.	Nabijanov Bahodir Saytjanovich	O‘zbekiston soliq maslahatchilari palatasi – Jamoatchilik kengashi raisi o‘rinbosari
3.	Mamajanov Jahongir Ahmadjanovich	O‘zbekiston Savdo-sanoat palatasi raisi o‘rinbosari
4.	Kurbanov Davron Qadambayevich	O‘zbekiston Respublikasi Prezidenti huzuridagi Tadbirkorlik subyektlarining huquqlari va qonuniy manfaatlarini himoya qilish bo‘yicha (Ombudsman) shu’ba mudiri
5.	Karimov Ne‘matulla Fatxullayevich	O‘zbekiston auditorlar palatasi kengashi raisi
6.	Ismailov Askar Baxromjonovich	“Venkon group” MChJ direktori
7.	Turalinova Natalya Aleksandrovna	“Arkad Audit” MChJ direktori

8.	Golosova Svetlana Aleksееvna	O‘zbekiston buxgalterlar va auditorlar milliy kengashi a‘zosi
9.	Ognevchuk Oksana Vyacheslavovna	O‘zbekiston buxgalterlar va auditorlar milliy kengashi raisi o‘rinbosari
10.	Xashimov Zafar Kamilovich	“ANGLESEY FOOD” sho‘ba korxonasi iqtisodiy masalalar bo‘yicha maslahatchisi
11.	Nazarov Murod Toxirovich	“Murad Buildings” qurilish kompaniyasi asoschisi, tadbirkor
12.	Podolskaya Irina Ivanovna	Soliq maslahatchisi
13.	Abdullaev Jorilla Xayrullayevich	“Norma” MChJ yetakchi eksperti
14.	Xashimov Aziz Ozodovich	Davlat soliq qo‘mitasi boshqarma boshlig‘i
15.	Ro‘zioxunov Alisher Anvar o‘g‘li	Jurnalist, bloger
16.	Akilova Nigora Abdiyevna	Bloger
17.	Abbasxanova Irodaxon Abbasovna	O‘zbekiston Respublikasi Moliya vazirligi Soliq-bojxona siyosati va daromadlarini prognozlashtirish departamenti direktori
18.	Xashimov Bekzod Alisherovich	Iqtisodchi, AQShning Viskonsin universiteti doktoranti, “Hoshimov Iqtisodiyoti” telegramm-kanal muallifi
19.	Bachikalov Anatoliy Viktorovich	“CRPT Turon” MChJ bosh direktori
20.	Xashimova Dildora Xurramovna	Jamoatchilik bilan aloqalar va huquqiy axborot boshqarmasi boshlig‘i – Jamoatchilik kengashi kotibi